



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Capitularia Regvm Francorum

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

Sacramentale promissionis factae Imperatori.

**urn:nbn:de:hbz:466:1-19366**

XIV. De navigiis preparandis circa littora maris.

XV. De liberis hominibus qui circa maritima loca habitant, si nuntius venerit ut ad succurrendum debeant venire, & hoc neglexerint, unusquisque solidos viginti componat, medietatem in dominico, medietatem ad populum. Si ictus fuerit, solidos quindecim componat ad populum, & fredo dominico.

XVI. De legationibus ad nos venientibus, & de Missis à nobis directis.

XVII. De his quos volumus ut pacem habeant & defensionem per regna Christo propitio nostra.

XVIII. De illis hominibus qui justitiam nostram adnuntiantes occisi sunt.

XIX. De decimis & nonis atque justitia Ecclesiarum Dei, ut omnes dare & emendare studeant.

XX. De banno Domni Imperatoris Karoli, quod per semetipsum consuetus est bannire, id est, de mundoburdo Ecclesiarum & viduarum & orphanorum &

minus potentium, atque derapto, & de exercitali placito instituto, ut hi qui ista inruperint, bannum dominicum omnimodis componant.

XXI. Ut omnes habeant bonos Vice-dominos & Advocatos.

XXII. Ut diligenter inquirent inter Episcopos, Abbates, sive Comites, vel Abbatissas, atque Vassos nostros, qualem concordiam & amicitiam ad invicem habeant per singula ministeria, aut si aliqua discordia inter ipsos esse videtur, & omnem veritatem in eorum sacramento nobis exinde renuntiare non negligant.

XXIII. De omni re insuper totum undecunque necesse fuerit, tam de justitiis nostris, quamque justitiis Ecclesiarum Dei, viduarum, orphanorum, pupillorum, & ceterorum hominum inquirent & perficiant. Et quodcunque ad emendandum invenerint emendare studeant in quantum melius potuerint. Et quod per se emendare non potuerint, in presentiam nostram adduci faciant.

#### DE LOCIS VBI MISSI ESSE DEBENT.

**I**N primis de Aurelianensē civitate ad Segonnam quomodo rectum est, deinde ad Treca cum Tricassino toto, inde ad Lingonis, de Lingonis ad Biffancion in villam partis Burgundia, inde verò ad Augustidunum, postea ad Ligerem usque ad Aurelianus, sunt Missi Magni Archiepiscopus & Godefridus Comes.

In Parisiaco, Melciano, Melidunensi, Provenensi, Stampinensi, Carnotinensi, Pinciacinensi, Fardulfus & Stephanus. In Cenomanico, Hoxonenensi, Livino, Bajocassinio, Constantino, Abrincatino, Ebreicino, & Madricinensi, & de illa parte Sequanae, Rodomenensi, Magenardus Episcopus & Madelgaudus.

#### SACRAMENTALE PROMISSIONIS FACTÆ IMPERATORI.

**S**acramentale qualiter promitto ego quòd ab isto die in antea fidelis sum Domino Karolo piissimo Imperatori filio Pippini Regis & Berthanae Reginae pura mente absque fraude & malo ingenio de mea parte ad suam partem, & ad honorem regni sui, sicut per dictum debet esse

homo domino suo. Si me adjuvet Deus & ista sanctorum patrocinia, quae in hoc loco sunt, quia diebus vitae meae per meam voluntatem, in quantum mihi Deus intellectum dederit, sic attendam & consentiam.

#### ITEM ALIVD.

**S**acramentale qualiter repromitto ego Domino Karolo piissimo Imperatori filio Pippini Regis & Berthanae fidelis sum sicut homo per dictum debet esse domino suo, ad suum regnum, & ad suum rectum. Et illud sacramentum quod juratum ha-

beo custodiam & custodire volo, in quantum ego scio & intellego, ab isto die in antea. Si me adjuvet Deus, qui caelum & terram creavit, & ista sanctorum patrocinia.

